


# კარგი ამბავი





მეექვსე თვეს კი წარმოგზავნილ იქნა ღმერთისაგან გაბრიელ ანგელოზი გალილეის ქალაქში, რომლის სახელია ნაზარეთი, ქალწულოთან, რომელიც დანიშნული იყო კაცზე, სახელად იოსებზე, დავითის სახლიდან, და ქალწულს ერქვა სახელად მარიამი. და შევიდა მასთან ანგელოზი და უთხრა: „გიხაროდეს, მიმადლებულო, უფალი შენთანაა.“ იგი შეშფოთდა ამ სიტყვებზე და ჩაფიქრდა: „რას უნდა ნიშნავდეს ეს მოკითხვა?“ და უთხრა მას ანგელოზმა: „ნუ გეშინია, მარიამ, რადგან მადლი გაქვს ნაპოვნი ღმერთთან. აჰა, სამოში ჩაგესახება და შობ ძეს და დაარქმევ მას სახელს – იესოს. დიდი იქნება იგი და უზენაესის ძეს უწოდებენ. და მისცემს მას უფალი ღმერთი მისი მამის, დავითის, ტახტს. და საუკუნოდ იმეფებს იაკობის სახლზე და მის მეფობას არ ექნება დასასრული.“ თქვა მარიამმა: „აჰა, უფლის მხევალი ვარ მე. მეყოს მე შენი სიტყვისამებრ.“ და წავიდა მისგან ანგელოზი.

ლოუკას სახარება 1:26-33 & 38



იოსებიც ავიდა გალილეიდან, ქალაქ ნაზარეთიდან, იუდეაში, დავითის ქალაქში, რომელსაც ეწოდება ბეთლემი, რადგან იგი დავითის სახლიდან და საგვარეულოდან იყო. რათა აღწერილიყო თავის დანიშნულებას, მარიამთან, ერთად, რომელიც ორსულად იყო. მათი იქ ყოფნისას დაუდგა მარიამს მშობიარობის ჟამი. და შვა ძე, თავისი პირმშო, შეახვია და დააწვინა ბაგაში, რადგან სასტუმროში მათთვის ადგილი არ იყო.


ლოუკას სახარება 2:4-7



იმ მხარეში მწყემსები მინდვრად იყვნენ გასული და ღამის დარაჯად უდგნენ თავიანთ სამწყსოს. და, აჰა, უფლის ანგელოზი დაადგა მათ თავზე და უფლის დიდება გამოუბრწყინდა მათ და შეეშინდათ დიდი შიშით. და უთხრა მათ ანგელოზმა: „ნუ გეშინიათ. აჰა, გახარებთ დიდ სიხარულს, რომელიც მთელი ხალხისთვის იქნება: რადგან დღეს დავითის ქალაქში თქვენთვის იშვა მაცხოვარი, რომელიც არის ქრისტე უფალი. და ეს გექნებათ ნიშნად: იპოვით ჩვილს, შეხვეულოს და ბაგაში მწოლარეს.“ და უეცრად გაჩნდა ანგელოზთან ერთად დიდძალი ციური ლაშქარი და აქებდნენ ღმერთს და ამბობდნენ: „დიდება მაღალთა შინა ღმერთს და მშვიდობა დედამიწაზე კეთილი ნების ადამიანებს!“ ლუკას სახარება 2:8-14



ხოლო ყრმა იზრდებოდა, მტკიცდებოდა სულით  
და ივსებოდა სიბრძნით, და იყო ღმერთის მადლი  
მასზე. ლოუკას სახარება 2:40



იოანე ნათლისმცემელი უდაბნოში იყო და ქადაგებდა სინანულის ნათლისღებას ცოდვათა მისატევებლად. და გამოდიოდა მასთან მთელი იუდეის მხარე და ყველა იერუსალიმელი და ინათლებოდნენ მისგან მდინარე იორდანეში და აღიარებდნენ თავიანთ ცოდვებს. ხოლო იოანეს ემოსა აქლემის ბეწვი და წელზე ტყავის სარტყელი ერტყა. და მკალი და ველური თაფლი იყო მისი საჭმელი. ქადაგებდა და ამბობდა: „ჩემს შემდეგ მოდის ჩემზე უძლიერესი, ვის წინაშეც არა ვარ ღირსი, რომ დავინარო და შევუხსნა მას ფეხსაცმლის თასმა. მე მოგნათლეთ წყლით, ის კი მოგნათლავთ სული წმიდით.“ იმ დღეებში მოვიდა იესო გალილეის ნაზარეთიდან და მოინათლა იორდანეში იოანეს მიერ. და მყისვე, როდესაც წყლიდან ამოდიოდა, იხილა გახსნილი ცა და სული, მტრედით გარდამომავალი მასზე. და ხმა იყო ციდან: „შენ ხარ ძე ჩემი საყვარელი, შენში არის ჩემი სათნოება.“

მარკოზის სახარება 1:4-11



და ავიდა მთაზე და მოუხმო, ვინც მას სურდა, და მივიდნენ მასთან. და დაადგინა თორმეტი, რათა მასთან ერთად ყოფილიყვნენ და გაეგზავნა საქადაგებლად, და ჰქონოდათ განკურნებისა და ეშმაკების განდევნის ხელმწიფება.


მარკოზის სახარება 3:13-15



იყო კაცი, ერთი ფარისევლთაგანი, სახელად ნიკოდემოსი, იუდეველთა მთავარი. იგი მივიდა მასთან ღამით და უთხრა: „რაბი, ჩვენ ვიცით, რომ შენ ღმერთისგან ხარ მოსული მოძღვრად, რადგან არავის ძალუძს ისეთი სასწაულების ქმნა, როგორსაც შენ ახდენ, თუ ღმერთი არ არის მასთან.“ მიუგო იესომ და უთხრა მას: „ჭეშმარიტად, ჭეშმარიტად გეუბნები შენ: ვინც ხელახლად არ იშვება, ვერ იხილავს ღმერთის სასუფეველს.“ ეუბნება მას ნიკოდემოსი: „როგორ შეუძლია ადამიანს იშვას, თუ იგი მოხუცია? ნუთუ შესაძლებელია, დედის საშობი ხელმეორედ შესვლა და შობა?“ მიუგო იესომ: „ჭეშმარიტად, ჭეშმარიტად გეუბნები შენ: ვინც არ იშვება წყლისა და სულისგან, ვერ შევა ღმერთის სასუფეველში. ხორცის მიერ შობილი ხორცია და სულის მიერ შობილი – სული.

იოანეს სახარება 3:1-6





ამის შემდეგ  
წავიდა იესო  
ქალაქში, რომელსაც  
ერქვა ნაინი, და თან  
მიჰყვებოდნენ მისი მოწაფეები  
და დიდძალი ხალხი. ქალაქის კარიბჭეს  
რომ მიუახლოვდა, გამოჰქონდათ  
მკვდარი, დედისერთა ჭაბუკი, რომლის  
დედაც ქვრივი იყო. ქალს ქალაქიდან  
დიდძალი ხალხი ახლდა. უფალმა რომ დაინახა,  
შეეცოდა და უთხრა: „ნუ ტირი.“ მივიდა და შეეხო  
საკაცეს. გამსვენებლები შედგნენ და მან თქვა: „ჭაბუკო, შენ  
გეუბნები, ადექ!“ მკვდარი წამოჯდა და ალაპარაკდა. და მის  
დედას ჩააბარა იგი. შიშმა მოიცვა ყველა. ღმერთს აღიღებდნენ  
და ამბობდნენ: „დიდი წინასწარმეტყველი აღმდგარა ჩვენს  
შორის და ღმერთმა მოხედა თავის ხალხს.“

ლოუკას სახარება 7:11-16



იესომ გაიხედა და დაინახა, რომ უამრავი ხალხი მოდიოდა მისკენ და ეუბნება ფილიპეს: „სად ვიყიდლოთ პური, ამათ რომ ჭამონ?“ ამას გამოსაცდელად ეუბნებოდა, რადგან თვით იცოდა, რაც უნდა ექნა. მიუგო მას ფილიპემ: „200 დინარის პურიც არ ეყოფათ, რომ თითოეულ მათგანს ცოტაოდენი მაინც შეხვდეს.“ ეუბნება მას ერთი მისი მოწაფეთაგანი, ანდრია, სიმონ-პეტრეს ძმა: „აქ არის ერთი ბიჭი, რომელსაც ხუთი ქერის პური და ორი თევზი აქვს, მაგრამ რა არის ეს ამდენი ხალხისათვის?“

იესომ თქვა: „დასხით ეს ხალხი.“ ხოლო იმ ადგილას ხშირი ბალახი იყო. და დასხდა ასე, რიცხვით თითქმის 5 ათასამდე კაცი. აიღო პურები იესომ, მადლი შესწირა და დაურთო იქ მსხდომთ, ასევე თევზიც, ვისაც რამდენი უნდოდა. და როდესაც დანაყრდნენ, უთხრა თავის მოწაფეებს: „მოაგროვეთ ნამუსრევი, რომ არაფერი დაიკარგოს.“ მოაგროვეს და აავსეს 12 გოდორი იმ ხუთი ქერის პურის ნატეხებით, რაც ჭამის შემდეგ დარჩა. მაშინ იესოს მიერ მოხდენილი სასწაულის მხილველმა ხალხმა თქვა: „ესაა ჭეშმარიტად ის წინასწარმეტყველი, რომელიც ქვეყნიერებაზე უნდა მოსულიყო.“

იოანეს სახარება 6:5-14



როდესაც მოსალამოვდა, მისი მოწაფეები ჩავიდნენ ზღვაზე. შევიდნენ ნავში და გაემართნენ ზღვის გადაღმა, კაპერნაუმისკენ. უკვე ბნელდებოდა და იესო კი ჯერ არ მისულოიყო მათთან. ზღვა ძლიერი ქარისაგან ღელავდა. 25 თუ 30 სტადიონი რომ გაცურეს, დაინახეს ზღვაზე მომავალი იესო, რომელიც ნავს უახლოვდებოდა, და შეეშინდათ. მან კი უთხრა მათ: „მე ვარ, ნუ გეშინიათ.“ უნდოდათ ნავზე აეყვანათ იგი; და ნავი მაშინვე მიადგა ხმელეთს იმ ადგილას, სადაც მიდიოდნენ.

იოანეს სახარება 6:16-21




და მოჰყავდათ მასთან ბავშვები, რათა შეხებოდა მათ, მოწაფეები კი კიცხავდნენ მომყვანებს. დაინახა იესომ, გაწყრა და უთხრა მათ: „გამოუშვით ბავშვები და ნუ დაუშლით ჩემთან მოსვლას, რადგან მათნაირებისაა ღმერთის სასუფეველი. ჭეშმარიტად გეუბნებით თქვენ: ვინც ბავშვივით არ მიიღებს ღმერთის სასუფეველს, ვერ შევა შიგ.“ მოეხვია მათ, ხელები დაადო და აკურთხა ისინი.

მარკოზის სახარება 10:13-16



მე ვარ მწყემსი კეთილი. მწყემსი კეთილი თავის სულს გასწირავს ცხვრებისთვის. ჩემს ცხვრებს ჩემი ხმა ესმით, და მე ვიცნობ მათ, და ისინი მე მომყვებიან. მე მათ საუკუნო სიცოცხლეს ვაძლევ და არ დაიღუპებიან უკუნისამდე, და ხელიდან ვერავინ გამომტაცებს მათ.

იოანეს სახარება 10:11 & 27-28




შეკრიბეს მღვდელმთავრებმა და ფარისევლებმა სინედრიონი და თქვეს: „რა ვქნათ, ეს კაცი რომ ბევრ სასწაულოს ახდენს? თუ მივუშვებთ თავის ნებაზე, ყველა ირწმუნებს მას. მოვლენ რომაელები და წაგვართმევენ ჩვენს მიწასაც და ხალხსაც.“ ერთმა მათგანმა, კაიაფამ, რომელიც მღვდელმთავრობდა იმ წელიწადს, უთხრა მათ: „თქვენ არაფერი გაგეგებათ, ვერ მოგიფიქრებიათ, რომ გვიჯობს ერთი ადამიანი მოკვდეს ხალხისთვის, ვიდრე მთელი ერი დაიღუპოს.“ ეს თავისით არ უთქვამს, არამედ მღვდელმთავარი იყო იმ წელიწადს და იწინასწარმეტყველა, რომ იესო ერისთვის მოკვდებოდა. და არა მარტო ერისთვის, არამედ იმისთვისაც, რომ ღმერთის გაფანტული შვილები შეეკრიბა ერთად. იმ დღიდან გადაწყვიტეს, მოეკლათ იგი.

იოანეს სახარება 11:47-53



რომ მოსაღამოვდა, დაჯდა თორმეტ მოწაფესთან ერთად. და როდესაც ჭამდნენ, თქვა: „ჭეშმარიტად გეუბნებით თქვენ: ერთი თქვენგანი გამცემს მე. „ძალიან შეწუხდნენ და ყველამ სათითაოდ დაუწყო კითხვა: „მე ხომ არა, უფალო?“ მან მიუგო და უთხრა: „ვინც ჩემთან ერთად ხელს ჩააწობს ჯამში, ის გამცემს.“


მათეს სახარება 26:20-23



მასთან ერთად სასიკვდილოდ მიჰყავდათ სხვებიც – ორი უაჩალი. როდესაც იმ ადგილას მივიდნენ, რომელსაც თხემის ადგილი ჰქვია, ჯვარს აცვეს იქ ის და ბოროტმოქმედნიც – ერთი მის მარჯვნივ და ერთი მის მარცხნივ. ერთი ჩამოკიდებული ბოროტმოქმედი შეურაცხყოფდა მას: „განა შენ ქრისტე არა ხარ? იხსენი შენი თავი და ჩვენც გვიხსენი.“ მეორე კი, უწყრებოდა მას და ამბობდა: „ნუთუ ღმერთისა არ გეშინია, როცა შენც იმავე სასჯელში ხარ? ჩვენ სამართლიანად ვისჯებით, რადგან ჩვენ რაც გავაკეთეთ, იმისი საკადრისი მივიღეთ, მაგას კი არაფერი უჯერო არ ჩაუდენია.“ და თქვა: „იესო, გამიხსენე, როდესაც შენს სამეფოში მიხვალ.“ და უთხრა მას: „ჭეშმარიტად გეუბნები შენ: დღესვე ჩემთან ერთად იქნები სამოთხეში.“



ლოუკას სახარება 23:32-33&39-43





დღის ექვსი საათი იქნებოდა, როდესაც მთელი დედამიწა  
ბნელმა მოიცვა ცხრა საათამდე. დაბნელდა მზე და ტაძრის  
ფარდა შუაზე გაიპო. შესძახა იესომ დიდი ხმით და თქვა:  
„მამაო, შენს ხელთ ვაბარებ ჩემს სულს.“ ეს თქვა და სული  
ამოუშვა. ასისტავმა რომ დაინახა, რაც მოხდა, ადიდა  
ღმერთი და თქვა: „ეს კაცი ნამდვილად მართალი იყო.“



ლოუკას სახარება 23:44-47



და როდესაც მოსალამოვდა, მოვიდა მდიდარი კაცი არიმათიიდან, სახელად იოსები, რომელიც აგრეთვე დაემოწაფა იესოს. მივიდა იგი პილატესთან და გამოითხოვა იესოს სხეული. მაშინ პილატემ ბრძანა, მიეცათ. და აიღო იოსებმა სხეული და შეახვია იგი სუფთა ტილოში. და დაასვენა იგი თავის ახალ სამარხში, რომელიც კლდეში იყო გამოკვეთილი. სამარხის კარზე ლოდის მიაგორა და წავიდა. იქვე იყვნენ მარიამ მაგდალელი და სხვა მარიამი, რომლებიც სამარხის პირდაპირ ისხდნენ. მათეს სახარება 27:57-61




ერთშაბათს, დილით ადრე მივიდნენ სამარხთან და მიიტანეს ნელსურნელებანი, რომლებიც მომზადებული ჰქონდათ. და ნახეს ლოდი, სამარხიდან გადაგორებული. და რომ შევიდნენ, ვერ ნახეს უფალი იესოს სხეული. და როდესაც ამის გამო შეფიქრებულნი იყვნენ, აჰა, მათ წარუდგა ორი მამაკაცი, ბრწყინვალე სამოსით მოსილი. შეძრწუნებულებს სახე ძირს ჰქონდათ დახრილი. ხოლო მათ უთხრეს მათ: „რად ეძებთ ცოცხალს მკვდრებს შორის? არ არის აქ, არამედ აღდგა. გაიხსენეთ, რას გეუბნებოდით, როდესაც ჯერ კიდევ გალილეაში იყო, რომ კაცის ძე ცოდვილ ადამიანთა ხელთ უნდა გადაეცეს, ჯვარს ეცვას და მესამე დღეს აღდგეს.“ და მათ გაიხსენეს მისი სიტყვები. ლუკას სახარება 24:1-8



ადგნენ იმავე ჟამს და დაბრუნდნენ იერუსალიმში, მოძებნეს შეკრებილნი – თერთმეტნი – და მათთან მყოფნი, რომელთაც უთხრეს: „უფალი ჭემმარიტად აღდგა და ეჩვენა სიმონს.“ მათაც უამბეს გზაში მომხდარი და ისიც, როგორ იცნეს იგი პურის გატებისას. ამ ლაპარაკში იყვნენ, როდესაც თვითონ იესო ჩადგა მათ შორის და თქვა: „მშვიდობა თქვენდა!“ შეძრწუნებულებსა და შეშინებულებს ეგონათ, რომ სულს ხედავდნენ. მაგრამ უთხრა მან: „რატომ ხართ შეშფოთებული და რატომ გებადებათ გულში ასეთი ფიქრები? შეხედეთ ჩემს ხელებსა და ჩემს ფეხებს. ეს მე ვარ თვითონ. შემეხეთ მე და ნახეთ, რადგან სულს არა აქვს ხორცი და ძვლები, მე კი მაქვს, როგორც ხედავთ.“ ეს რომ უთხრა, უჩვენა მათ ხელები და ფეხები.

ლოუკას სახარება 24:33-40



და უთხრა: „ასე წერია, რომ ქრისტე უნდა დაიტანჯოს და მკვდრეთით აღდგეს მესამე დღეს; მისი სახელით ნაქადაგები უნდა იყოს სინანული ცოდვათა მისატევებლად ყველა ერში, იერუსალიმიდან დაწყებული. და თქვენ ხართ ამის მოწამენი. და გაიყვანა ისინი ბეთანიაში, აღაპყრო ხელები და აკურთხა ისინი. და როდესაც აკურთხებდა, განშორდა მათ და ამალდა ცაში. ლუკას სახარება 24:46-48 & 50-51

რადგან ისე შეიყვარა ღმერთმა ქვეყანა, რომ მისცა თავისი მხოლოდშობილი ძე, რათა ყოველი, ვინც მას ირწმუნებს, არ დაიღუპოს, არამედ საუკუნო სიცოცხლე ჰქონდეს. რადგან იმისთვის კი არ მოავლინა ღმერთმა თავისი ძე ქვეყანაზე, რომ დასაჯოს ეს ქვეყანა, არამედ, რათა იხსნას ქვეყანა მისი მეშვეობით. ვისაც ის სწამს, არ დაისჯება, ხოლო ვისაც არ სწამს, უკვე დასჯილია, რადგან არ ირწმუნა ღმერთის მხოლოდშობილი ძის სახელი. იოანეს სახარება 3:16-18

თუ ვამბობთ, რომ არა გვაქვს ცოდვა, თავს ვიტყუებთ და ჭეშმარიტება არ არის ჩვენში. თუ ვაღიარებთ ჩვენს ცოდვებს, იგი, სარწმუნო და მართალი, მოგვიტევენ ცოდვებს და განგვწმედს ყოველგვარი უკეთურებისაგან. 1 იოანე 1:8-9

ეუბნება მას იესო: „მე ვარ გზა, ჭეშმარიტება და სიცოცხლე. ვერავინ მივა მამასთან, თუ არა ჩემი მეშვეობით. იოანეს სახარება 14:6

„მოდით ჩემთან, ყველა მაშვრალნო და ტვირთმძიმენო, და მე მოგასვენებთ თქვენ. დაიდეთ ჩემი უღელი და ისწავლეთ ჩემგან, რადგან მშვიდი და გულით მდაბალი ვარ, და ჰპოვებთ სულის სიმშვიდეს. რადგან ჩემი უღელი ადვილია და ჩემი ტვირთი – მსუბუქი.“ მათეს სახარება 11:28-30

ბევრი სხვა სასწაულიც მოიმოქმედა იესომ მოწაფეების წინაშე, რაც ამ წიგნში არ დაწერილა. ეს კი დაიწერა, რათა ირწმუნოთ, რომ იესო არის ქრისტე, ძე ღმერთისა, და რომელოთაც ირწმუნეთ, გქონდეთ სიცოცხლე მისი სახელით. იოანეს სახარება 20:30-31

„მე ვარ ალფა და ომეგა, პირველი და უკანასკნელი, დასაბამი და დასასრული.“ გამოცხადება 22:13



გაქვთ სურვილი რომ ილოცოთ ასეთი ლოცვით? თუ ასეა, შეგიძლიათ ილოცოთ და ქრისტე შემოვა თქვენს ცხოვრებაში, მისი დაპირების თანახმად:

„უფალო იესო, ვაღიარებ რომ ცოდვილი ვარ და მჭირდები ცხოვრებაში. მადლობას გიძღვნი იმისთვის რომ ჯვარზე მოკვდი ჩემი ცოდვების მისატევებლად. მადლობა რომ მაპატიე ყველა ცოდვა და მომანიჭე საუკუნო სიცოცხლე. შემოდი ჩემს ცხოვრებაში როგორც მხსნელი და უფალი და გააკონტროლე ჩემი ცხოვრება.“

სახელი \_\_\_\_\_ თარიღი \_\_\_\_\_



გაქვთ სურვილი რომ ილოცოთ ასეთი ლოცვით? თუ ასეა, შეგიძლიათ ილოცოთ და ქრისტე შემოვა თქვენს ცხოვრებაში, მისი დაპირების თანახმად:

„უფალო იესო, ვაღიარებ რომ ცოდვილი ვარ და მჭირდები ცხოვრებაში. მადლობას გიძღვნი იმისთვის რომ ჯვარზე მოკვდი ჩემი ცოდვების მისატევებლად. მადლობა რომ მაპატიე ყველა ცოდვა და მომანიჭე საუკუნო სიცოცხლე. შემოდი ჩემს ცხოვრებაში როგორც მხსნელი და უფალი და გააკონტროლე ჩემი ცხოვრება.“

სახელი \_\_\_\_\_ თარიღი \_\_\_\_\_



Illustrated by: Linda Riddell

ილუსტრირებულია ლინდა რიდელის მიერ

[www.goodnewscoloringbook.org](http://www.goodnewscoloringbook.org)

Georgian/English

